

金鎖流珠引卷之二十一

辭

御製

天地定位	陰陽協和	星辰順度	日月昭明
寒暑應候	雨暘以時	山嶽靖謐	河海澄清
草木蕃廡	魚鼈咸若	家和戶寧	衣食充足
禮讓興行	教化修明	風俗敦厚	刑罰不用
華夏歸仁	四夷賓服	邦國鞏固	宗社尊安
景運隆長	本支萬世	正統十年	十月十一日



金鎖流珠引卷之二十一

辭一

中華總真太仙宰王方平張道陵趙昇長命李仲真益許奉等後撰述

中華 仙人 李 淳風 注

二十八宿旁通曆仰視命星明暗扶
衰度厄法

二月 三月 四月 五月 六月 七月

一日 奎胃畢參鬼張

二日 婁昴觜井柳翼

三日 胃畢參鬼星軫

四日 昴觜井柳張魚

五日 畢參鬼星翼亢

六日 觜井柳張軫氐

七日 參鬼星翼角房

八日 井柳張軫亢心

九日 鬼星翼角氐尾

十日 柳張軫亢房箕

緯一

十一日 星翼角氐心斗

十二日 張軫亢房尾女

十三日 翼角氐心箕虛

十四日 軫亢房尾斗危

十五日角心箕女室

十六日亢房尾斗虛壁

十七日心箕女危奎

十八日房尾斗虛室婁

十九日心箕女危壁胃

二十日尾斗虛室奎昴

二十一日箕女危壁婁畢

二十二日斗虛室奎胃鬻

二十三日女危壁婁昴參

二十四日虛室奎胃畢井

二十五日 危壁婁昂觜鬼

二十六日 室奎胃畢參柳

二十七日 壁婁昂觜井星

二十八日 奎胃畢參鬼張

二十九日 婁昂觜井柳翼

三十日 胃畢參鬼星軫

八月 九月 十月 十一月 十二月 正月

一日 角氐心斗虛室

二日 亢房尾女危壁

三日 心箕虛室奎

四日房尾斗危壁婁

五日心箕女室奎胃

六日尾斗虛壁婁昴

七日箕女危奎胃畢

八日斗虛室婁昴觜

九日女危壁胃畢參

十日虛室奎昴觜井

十一日危壁婁畢參鬼

十二日室奎胃觜井柳

十三日壁婁昴參鬼星

十四日奎胃畢井柳張

十五日婁昴觜鬼星翼

十六日胃畢參柳張軫

十七日昴觜井星翼角

十八日畢參鬼張軫元

辭一

十九日觜井柳翼角氏

二十日參鬼星軫元房

二十一日井柳張角氏心

二十二日鬼星翼元房尾

二十三日柳張軫氏心箕

二十四日星翼角房尾辛

二十五日張軫元心箕女

二十六日翼角氏尾十虛

二十七日軫元房箕女危

二十八日角氏心斗虛室

二十九日元房尾女危壁

三十日氏心箕虛室奎

右具推一周年一十二月有三十日筭其所

本身屬宿即從一日而始畢於三十日隨月

而配之上古大真太上老君受元始道君之

教也文書謂之二十八宿經有一十二卷二百紙廣大卒難尋究後聖君降南山大業十三年下降長安南山今名終南山告風有唐李氏之王天下也今撰略二十八宿經為十一月三十日相配則行旁通示人筭配本

即視知衰盛令風旁通撰略併為要訣教以志人故因上聖所出旁通記也

太上老君曰夫修長生人得知本生宿本生

宿是生日所配者是也遊宿者生命所屬生地宿也假如本生星正當位是遊宿犯本宿

甚惡有災甚凶遊宿較輕此二事盡須思候
之明則身無災暗則身有災厄疾病須早向
前依符法啓謝之即得消滅疾厄度達衰厄
之事所在之處每至本命日夜晴明即夜非
人行時潛看明淨者吉暗動者有災不見者

辭一

四

大厄至即以躡地紀飛天網各三遍散爲禹
步轉天關指有衰厄人鬼之鄉夫人所生皆

有災厄之地假如金命人長生在巳沐浴在
午冠帶未臨官申帝王酉衰戌病亥死子墓
丑敗寅絕卯是也如五命總有災厄之鄉不

論見宿不見但有衰即爲之耳即以自消滅
常一月三度爲之即星明朗身則無憂厄災
害自消滅夫學志道之人皆須先明此法乃
可活得真身若也不明衰厄之事致病而死
此法能與人消災度厄去病救得六親道友
之屬長視本宿星小暗不明或不見或使星
被差爲使失位殺本宿星下生者一百八十
人隨方也東方一百八十人西方一百三十
六人南方一百六十四人北方一百二十五
人中宮一千二百人何也中宮屬土土失位

倍多諸方損人人應不知知者步躡性法自
出一身更救十人亦得但是二十八宿凡一
宿下應有幾千億萬人在此星下生也若能
步躡出得百人天下不覺何況一身及親友
三五人猶實能救得是人自不知公然受其

辭一

五

冥使來進呼取死為極痛哉遠天邊之本宿下
皆殺人千百夫修生活身人長以看本命位
自星宿以知自身王衰之候此道其要無故
身不衰病又星明朗即不用為步躡并祭醮
用者反招災禍於一家非獨一身老君徧令

禁之并白衣不受反師道之人常今天關使
者轉指其人本命者後聖君曰白衣不受金
鎖流珠七星六甲引書等人并及罔師言罔
師者口辭妄白師借經圖書畢寫不受或即
受畢如不今師押署輕師稱已先有及稱別
師邊受得如此之者故罔之罪不得其死何
況更覓其道於身自不得其安誑道之人天
地水三官自知必被三官上奏道祖下白天
師祖師俱責此誑妄盜道之賊身身家全被
天誅滅皆不得其死昔有張山子名初見小

王夫人是阿母之女也有此書一心禮敬不
曾失節如此以涉五年夫人念其志心即與
關奏奏後書寫寫畢授受後不令夫人押署
後行用躡履關斗甚得通神一千年間行不
絕夫人見之不將爲過任行用忽一旦夫人

於山房靖中見七人總衣五色衣稱天使我
下勘張山子盜道之罪夫人曰他有何罪使
者曰罔師盜道之罪夫人教他於某乙邊書
寫金鎖流珠登天纏躡地紀之法六式九符
之經皆以財帛金銀納某乙某乙與奏名上

仙訖然後寫書寫畢隨楚人葛越而同壇授
受畢而去使者七人齊問夫人與署否夫人
心思記得他忽去不令仙署使者曰只此便
是罔師盜道之罪天令伐之夫人全得不署
之力况他受了有心及師即罪傍累及夫人

辭一

六

身被責退何一階更一百年在人間不得如
今以是他自取其罪稱我是李司命仲甫不
受此法我豈師於女子之下受法但是王侯
之家皆此言也我等七人又往嵩高山勘問
葛越對亦如夫人之言我等上奏後聖君君

大嘆豈然當時下膝拜女人爲師今以反師
是罔師盜道之罪令與之病又恐夫人與他
署此經籙法以正圖即涉他罪累太上故令
問夫人夫人對曰實不與署天使臨去之次
云我是北斗君及二十八宿官之使也太平
金闕帝晨後聖玄元上道君告命差我下勘
事非輕小夫人且得不押署俱之人助喜助
喜言訖而去後不逾半年之間張山子居太
白之山全家染瘟瘴病而死乃至雞犬馬牛
亦被鬼之所殺故風於阿母小女內傳中尋

尋求得撰出將教世人世人慎勿此為行心
下負於師上罔於道而被天殺也何況更求
其道道法無私不容人過大道無偏取人之
無過大道無黨不令人相罔道法無欺不許
輕師見前注具不再如此之罪學人慎之太

辭一

七

上老君告上品四十九真人曰此北斗君者
為四方宿之長也主管一十八宿事事皆北
斗君先知之不許衆宿下主有不孝逆道背
師反君不孝父母雖即一時來報而日月深
罪重報即速於水火皆不得其死慎之慎之

北斗二十八宿醮祭日月時法

老君曰夫修道之人行醮祭五斗君法皆須
依科儀行用月日時明真科曰春正月有本
命日秋七月有本命日冬十月中有本命日
夜可二更時星月明朗以為上如無即移歸
屋下作壇黃土布地為壇隨地闊狹長短曲
直而為之明數十燈照壇如月星之意也後
聖君告天師曰卿欲祭醮道法錄中將軍吏
兵仙靈官並太一二儀三元四時五行六甲
七星二十八宿等皆於此春秋冬孟之月而

取本命日或揀吉日與命相合利之日當以
晴明爲上風雷雲雨星宿不見日者是凶卿
前尅日定恐其夜風雨雲暗者以躡地紀順
倒反三遍天網順倒反三遍訖散爲禹步三
步九跡配衣斜指雲雨之處應時有開捻訣

在火刀支左手第二指第三節右邊呪曰吾
欲修行祭醮五斗三十五星某日是吾本命
日即仰雲收雨靜風靖七曜朗明急急如律
令須臾即晴此法祕要勿妄傳其非人妄爲
天地責罪罪及於師也日與命相宜利者爲

上不利者凶不可用凡取日者一年之中取
三本命日春正月秋七月冬十月此三月中
得日爲上餘月爲之妄行不依科儀却被天
地責罪後聖君曰若實有疾病人命若風燭
者任覓吉日潛自身爲之祭醮

如自身不能

辭一

道友及師如無夫爲婦婦爲夫子爲父父爲
子總得外人不得妄爲恐玉皇知北斗君爲
之得罪也北斗尊嚴及七宿官者是女身不
得徃看視潛拜如看之者北斗君大惡之皆
身受生考官中口舌短促算命不得其死慎

之如不能師弟父子任爲天師具撰一元中
也本命日醮北斗及二十八宿儀圖述之於
此書中

金鎖流珠引卷之二十一



